

**Protocol no. 66**  
**Sezzüda da marcurdi, 29 mai 2013 15.00 – 18.00**

**Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

Pro la trattativa nr. 597 il manader tecnic, Christian Poo.

**Protocol**

Il protocol no. 65 da la sezzüda da gövgia, als 23 mai 2013 vain approvà.

**598 81 ECONOMIA FORESTALA**  
**Cussagliaziun a regard privels da la natüra**

Il departamaint da construcziun, traffic e silvicultura dal Grischun infuormescha sur dals resultats obtgnüts pertocant la retschercha, realisada da stà 2012, pro tuot ils cumüns suot il titel “Cussagliaziun locala da privels da la natüra Grischun”. 80 cumüns vaivan tut l’occasiun d’inoltrar lur posizium.

Süls resultats ils plü importants da la retschercha entra il cusglier guverantiv, Mario Cavigelli. D’utuon vain realisà, suot il titel survart manzunà, ün cuors da pilot cun cumüns chi vegnan clets oura. Dal 2014 ais lura previs da spordscher quels cuors a tuot ils cumüns interessats. Il Cussagl decida d’inoltrar fingià uossa in scrit nos interess pel cuors da pilot.

**599 DIVERSAS SCHEFS**

**Dieta dals cumüns 2013**

Il Capo, Albert Mayer, ed il chanzlist, Marco Fallet vaivan fat part a quella dieta in sonda, als 25 mai ill’arena da Cazas. La cusgliera guverantiva, Barbara Janom Steiner e tuot l’equipa da l’uffizi per cumüns d’erian preschaints ed han infuormà als bundant 200 rapreschantants dals cumüns sur d’üna blerüra d’affars chi’s rechattan immez il proceder, sco:

- Refuorma da l’egualisaziun da finanzas (FA-Reform) – evaluaziun dals resultats da la consultaziun (B. Janom Steiner)
- Refuorma da l’egualisaziun da finanzas (FA-Reform) – realisaziun pussibla da las directivas dal departamaint (Urs Brasser, secretari da finanzas, uffizi per cumüns)
- Infuormaziuns da l’uffizi per cumüns (Thomas Kolleger, parsura da l’uffizi) – refuorma dals cumüns e dal territori, HRM2, manual per cumischiuns sindicatorias, divers
- easyvote – proget da l’associaziun centrala dals parlamaints da giuventüna (Alexandra Molinaro – manadra dal proget) Tema: sustegn da votaziun e campagna da mobilisaziun per votantas e votants giuvens (18 – 25 ons) a regard promoziun da la partecipaziun politica
- KiGA, preschantaziun d’üna sporta per programs d’ingaschamaint per dischoccupats (Kurt Hug e Sandra Spadarotto)

Id ais stat üna dieta fich interessanta.

### Circul dal register fundiari d'Engiadina Bassa

Il Capo, Albert Mayer, vaiva fat part a la radunanza da delegats a Lavin. Il cumün da Sent po tour in consegna la somma da fr. 55'611.34 sco part dal rechav. Cun satisfacziun pigl'il Cussagl cogniziun da quai.

### PEB radunanza regiunala, 28.05.2013

Il Capo, Albert Mayer, vaiva fat part. La radunanza ha trattà seguaintas fatschendas:

- *Sustegn finanziel Institut Otalpin, Ftan*  
La radunanza ha decis, cha'ls cumüns sustegnan finanzielmaing invariant a l'Institut Otalpin, Ftan
- *Classa da talents Engiadina Bassa*  
La radunanza ha decis da realisar quella pro l'Institut Otalpin Ftan. In discussiun staid'eir la varianta pro'l cumün da Sent.
- *Revisiun dal reglamaint d'immundizchas*  
Là ais gnü decis da sbassar las taxas da sach.
- *Orientaziuns pulizia chantunala*  
Marco Steck, parsura dal Grischun dal Süd, ha orientà in fatschenda.

### Mür pro la punt da Sur En

Il Capo, Albert Mayer, vaiva survgni davart dals frars G. e P. Buchli üna documaintaziun da fotografias sur dal nosch stadi da quel e sur dal privel chi regna. Il scopo ais, cha blers camiuns transischan sülla punt cun tonnaschas da 18 e 25 tonnas, permiss sun però be 16 tonnas. Il privel ais acut eir caus'il fat, cha la lingia da pressiun da l'aua da baiver d'Uina passa suot la punt ed ün eventual defet da quella chaschuness ün grond desaster.

Quist fat d'eira cuntschaint eir al manader tecnic ed al vicecapo, chi d'eiran gnüts a la conclusiun da trar nanpro ün perit per sclerir che masüras chi dessan gnir trattas. Eir i'l preventiv d'eira gnüda resguarda per quai üna somma.

La discussiun demuossa, chi's sto gnir activ subit.

### Cumischiun turistica

Marianne Werro, cusgliera dal dicasteri, orientescha sur da la sezzüda ch'ella ha gnü culla cumischiun turistica.

- Ella ha confermà, cha'l cumün surpiglia la survaglianza e'l nettiament da la senda da scultura a Sur En.
- Ils respunsabels da la grotta da cultura han orientà, cha subit davo la decisiun (positiva) a regard l'aquist dal stabiliment Posta prevezzan els da cuntinuar cun lur program d'inviern sül büro da trafic a Schigliana.

### Proget sanaziun via da god Muschna / Val Gronda

Men Caviezel orientescha chi ha stuvü gnir tscherchè üna lö adattà pel deposit dal material da s-chav. Davart dal manader da fabrica, A. Kirchen, ais gnü destinà ün lö adattà, dimena a Surains sül prà da M. Caviezel.

### Orchidea "Frauenschu" a Sur En

Davart d'ün giast ais il Cussagl gnü infuormà (in basa da fotografias) ch'ün fich bel püschel d'orchideas ais gnü allontanà resp. chav'oura. Ün fat chi dà da pensar. Il Cussagl tir'inconsideraziun da far controllas (eir culla pulizia) e da punir als delinquents in möd ourdvarit sensibel.

Energia Engiadina / radunanza da proprietaris / 28 gën 2013

Seguond convegno sta quai al cumün da Sent da surtour il manar il protocol da quella radunanza. Caus'absenza da vacanzas, nun ais quai pussibel da surtour quella lezcha. Il vicecapo e cusglier dal dicasteri, A. Poo, surpiglia da sclerir per quista jada üna soluziun alternativa.

L'actuar:  
Marco Fallet

Il Capo:  
Albert Mayer

*La trattativa nr. 597 nu vain publichada, causa cha quella nun ais amo madüra pella publicaziun (cas da planisaziun).*